

গণপ্রজাতন্ত্রী বাংলাদেশ সরকার
তথ্য অধিদফতর
বাংলাদেশ সচিবালয়
ঢাকা

সংবাদ গতিধারা

জাতীয় দৈনিকসমূহে প্রকাশিত সংবাদ, সম্পাদকীয়’র সারসংক্ষেপ, গুরুত্বপূর্ণ নিবন্ধ ও ফিচারের সংক্ষিপ্তসার

সংখ্যা : ৮৫/২০১৭-১৮

ঢাকা, সোমবার ৩০ অক্টোবর ২০১৭, ১৫ কার্তিক ১৪২৪

- ১। দক্ষিণ এশিয়া থেকে দারিদ্র্য নির্মূলে একসঙ্গে কাজ করণ
শ্রীলঙ্কার হাইকমিশনারকে প্রধানমন্ত্রী
- ২। সিপিএ সম্মেলনের সব প্রস্তুতি সম্পর্ক : স্পিকার
- ৩। দেশে ২০২৪ সালের পর কোন দারিদ্র্য থাকবে না : অর্থমন্ত্রী
- ৪। এসডিজি অর্জনে বেসরকারি খাতের সক্রিয় অংশগ্রহণ দরকার
ইমপ্যাস্ট বাংলাদেশ ফোরামে বক্তব্য
- ৫। বঙ্গোপসাগর এবং ব্লু ইকোনমি আনবে উন্নতির নতুন ধাপ : তথ্যমন্ত্রী
- ৬। আওয়ামী লীগ সভানেত্রী শেখ হাসিনাকে হত্যাচেষ্টার ঘটনায়
দুটি মামলায় ১১ জনের ২০ বছরের সাজা
- ৭। রোহিঙ্গাদের অপরাধ ঠেকাতে নজরদারি বাড়ানো হচ্ছে : ত্রাণমন্ত্রী
- ৮। বাংলাদেশ-কানাডা বিমান যোগাযোগ চালু হচ্ছে
- ৯। রোহিঙ্গা ইস্যুতে ঢাকার পাশে থাকবে বেইজিং : চীনা রাষ্ট্রদূত
- ১০। আইপিইউ সম্মেলনে রোহিঙ্গা সংকট নিয়ে বাংলাদেশের প্রস্তাব পাস
- ১১। বাংলাদেশ জাইকা এলামনাই অ্যাসোসিয়েশন ফোরামের
নির্বাহি কমিটি’র প্রেসিডেন্ট নির্বাচিত

১। দক্ষিণ এশিয়া থেকে দারিদ্র্য নির্মূলে একসঙ্গে কাজ করুন : শ্রীলঙ্কার হাইকমিশনারকে প্রধানমন্ত্রী

দারিদ্র্যকে দক্ষিণ এশিয়ার উন্নয়নের প্রধান শত্রু উল্লেখ করে প্রধানমন্ত্রী শেখ হাসিনা এ অঞ্চলের সব দেশকে এ সমস্যা নির্মূলে একসঙ্গে কাজ করার আহ্বান পুনর্ব্যক্ত করেছেন। প্রধানমন্ত্রীর সঙ্গে গতকাল (২৯ অক্টোবর রোববার) গণভবনে শ্রীলঙ্কার হাইকমিশনার ইয়াসুজা গুলাসেকেরা বিদায় সাক্ষাত্কালে তিনি এ আহ্বান জানান। বৈঠকশেষে প্রধানমন্ত্রীর প্রেস সচিব ইহসানুল করিম প্রধানমন্ত্রীর উদ্বৃত্তি দিয়ে বলেছেন, দারিদ্র্য দক্ষিণ এশিয়ার উন্নয়নের প্রধান শত্রু। কাজেই এ অঞ্চলের দারিদ্র্য সমূলে উৎপাটন করতে আমাদের একসঙ্গে কাজ করতে হবে। তিনি আরো বলেন, প্রধানমন্ত্রী এবং শ্রীলঙ্কার দৃত দ্বিপক্ষীয় স্বার্থসংশ্লিষ্ট বিশেষকরে অর্থনৈতিক সহযোগিতার বিষয়ে আলোচনা করেন। সূত্র-সংবাদ (শেষ পৃ.,ক.১), ইনকিলাব (পৃ.১,ক.৫), নিউজ টুডে (শেষ পৃ.,ক.৬), বাংলাদেশ টুডে (পৃ.৩,ক.৬)।

২। সিপিএ সম্মেলনের সব প্রস্তুতি সম্পন্ন : স্পিকার

চাকায় অনুষ্ঠিতব্য কমনওয়েলথ পার্লামেন্টারি অ্যাসোসিয়েশনের (সিপিএ) ৬৩তম সম্মেলনের সব প্রস্তুতি সম্পন্ন হয়েছে বলে জানিয়েছেন সিপিএ চেয়ারপারসন ও জাতীয় সংসদের স্পিকার ড. শিরীন শারমিন চৌধুরী। সিপিএ'র সেক্রেটারি জেনারেল আকবর খান গতকাল (২৯ অক্টোবর রোববার) জাতীয় সংসদ ভবনে স্পিকারের সঙ্গে সৌজন্য সাক্ষাত্কালে এসব তথ্য জানান স্পিকার। এ সময় তাঁরা সিপিএ'র ৬৩তম সম্মেলনের প্রস্তুতি নিয়ে বিস্তারিত আলোচনা করেন। স্পিকার ও সিপিএ চেয়ারপার্সনের বলিষ্ঠ ও গতিশীল নেতৃত্বে এ আয়োজন সার্থক হবে বলে সিপিএ সেক্রেটারি জেনারেল আশাবাদ ব্যক্ত করেন। সূত্র-সংবাদ (পৃ.২,ক.৬), সমকাল (শেষ পৃ.,ক.৫), নিউ নেশন (পৃ.৩,ক.৪)।

৩। দেশে ২০২৪ সালের পর কোন দারিদ্র্য থাকবে না : অর্থমন্ত্রী

দেশে ২০২৪ সালের পর কোনো দারিদ্র্য থাকবে না বলে মন্তব্য করেছেন অর্থমন্ত্রী আবুল মাল আবদুল মুহিত। তিনি বলেন, এ সরকার যতক্ষণ থাকবে ততক্ষণ দেশের উন্নয়ন হবে। গতকাল (২৯ অক্টোবর রোববার) বঙ্গবন্ধু আন্তর্জাতিক সম্মেলন কেন্দ্রে উন্নয়ন মেলা-২০১৭ উদ্বোধন অনুষ্ঠানে প্রধান অতিথির বক্তব্যে তিনি এ কথা বলেন। অর্থমন্ত্রী বলেন, স্বাধীনতার সময় বাংলাদেশে দরিদ্র্যের হার ছিল ৭০ শতাংশ। এখন সেটাকে আমরা নামিয়ে এনেছি ২২ দশমিক ৫০ শতাংশে। এখনও এ দেশে তিনি কোটি দরিদ্র মানুষ রয়েছে। এ তিনি কোটি মানুষকে দারিদ্র্য থেকে মুক্ত করতে আমরা বন্ধপরিকর। ২০২৪ সালের মধ্যে দেশ থেকে দারিদ্র্য দূর হবে। বাংলাদেশ একদিন সমৃদ্ধশালী দেশ হবে। সূত্র-সংবাদ (পৃ.১৪,ক.১), ইনকিলাব (শেষ পৃ.,ক.৫), ডেইলি সান বিজনেস পাতা (পৃ.১,ক.৬)।

৪। এসডিজি অর্জনে বেসরকারি খাতের সক্রিয় অংশগ্রহণ দরকার : ইমপ্যাক্ট বাংলাদেশ ফোরামে বক্তরা

২০৩০ সালের মধ্যে টেকসই উন্নয়ন লক্ষ্যমাত্রার (এসডিজি) অভীষ্ট পূরণে বেসরকারি খাতের সক্রিয় অংশগ্রহণ দরকার। অন্যথায় এসডিজির অভীষ্ট সময়মতো পূরণ করা যাবে না। ঢাকা চেম্বার অব কমার্স অ্যান্ড ইন্ডাস্ট্রি (ডিসিসিআই) এবং ইউএনডিপি-বাংলাদেশের যৌথভাবে আয়োজিত ইমপ্যাক্ট বাংলাদেশ ফোরামে বক্তরা এসব কথা বলেন। গতকাল (২৯ অক্টোবর রোববার) রাজধানীর একটি হোটেলে এ সভা অনুষ্ঠিত হয়। সমাপনী অনুষ্ঠানে প্রধান অতিথি অর্থমন্ত্রী বলেন, বর্তমান সরকারের যুগোপযোগী সিদ্ধান্ত গ্রহণের ফলে সারা দেশে আইসিটি বিপ্লব শুরু হয়েছে। অনলাইনের মাধ্যমে পেমেন্ট কার্যক্রম চালু হওয়ায় এ খাতে প্রায় ৭৫ শতাংশ ব্যয় কমেছে। অর্থমন্ত্রী আশাবাদ ব্যক্ত করে বলেন, আগামী ১০ বছরের মধ্যে বাংলাদেশ ‘আইসিটি টাইগার’ এ পরিণত হবে। সূত্র-ইন্ডেফাক (পৃ.১৮,ক.৫), জনকর্ত (শেষ পৃ.,ক.৬), নিউজ টুডে (শেষ পৃ.,ক.৫), ডেইলি স্টার বিজনেস পাতা (পৃ.১,ক.৫)।

৫। বঙ্গোপসাগর এবং ঝুঁ ইকোনমি আনবে উন্নতির নতুন ধাপ : তথ্যমন্ত্রী

তথ্যমন্ত্রী হাসানুল হক ইনু বলেছেন, বঙ্গোপসাগর এবং ঝুঁ ইকোনমি দেশকে উন্নতির নতুন ধাপে নিয়ে যাবে। গতকাল (২৯ অক্টোবর রোববার) রাজধানীর মিরপুরে বঙ্গবন্ধু শেখ মুজিবুর রহমান মেরিটাইম ইউনিভার্সিটি, বাংলাদেশ ক্যাম্পাসে আয়োজিত নৌ-স্থাপত্য ও সমুদ্রতার প্রকৌশলে স্নাতক পর্যায়ের পাঠ্যক্রম নির্ধারণ কর্মশালায় প্রধান অতিথির বক্তৃতায় একথা বলেন। মন্ত্রী বলেন, মেরিটাইম বা সাগর সংক্রান্ত বিদ্যা আয়ত্ত করার মধ্যদিয়ে বঙ্গোপসাগরে

নতুন অর্থনৈতিক দুয়ার উন্মোচন করা সম্ভব। ডিজিটাল প্রযুক্তির পাশাপাশি মেরিটাইম অর্থনীতি বা ব্লু ইকোনমি ও দেশকে অভিন্নত উন্নয়নের শিখরে পৌছে দিতে পারে। আর এজন্য মেরিটাইম নিরাপত্তা ও ব্যবস্থাপনা, সাগরে পর্যটন, সাগরের চেউ ও বায়ু থেকে শক্তি উৎপাদন, তীরবর্তী অঞ্চল থেকে খনিজ আহরণ, অগভীর সাগরে নতুন ভূমি সৃষ্টি, সামুদ্রিক জীববৈচিত্র্য সংরক্ষণ, মৎস্যসম্পদ আহরণ, নির্বিঘ্ন নৌ চলাচল, নৌদূষণ দূরীকরণ ও বর্জ্য ব্যবস্থাপনা, জলবায়ু পরিবর্তন মোকাবিলা এবং এসকল ক্ষেত্রে দক্ষ জনবল সৃষ্টিসহ সাগরকেন্দ্রিক অর্থনীতি ও পরিবহণসংক্রান্ত সকল বিষয় গবেষণা ও উন্নত শিক্ষা একান্ত আবশ্যক। সূত্র-ইভিপেনডেন্ট (পৃ.২,ক.১)।

৬। আওয়ামী লীগ সভানেত্রী শেখ হাসিনাকে হত্যাচেষ্টার

ঘটনায় দুটি মামলায় ১১ জনের ২০ বছরের সাজা

প্রায় তিন দশক আগে আওয়ামী লীগ সভানেত্রী শেখ হাসিনাকে হত্যাচেষ্টার ঘটনায় করা দুটি মামলায় বঙ্গবন্ধুর খুনি খন্দকার আবদুর রশীদসহ ফ্রিডম পার্টির ১১ নেতাকর্মীর প্রত্যেককে ২০ বছরের কারাদণ্ড দিয়েছে আদালত। ঢাকার চতুর্থ অতিরিক্ত মহানগর দায়রা জজ মো. জাহিদুল কবির গতকাল (২৯ অক্টোবর রোববার) হত্যা ও বিক্ষেপক দ্রব্য আইনে করা মামলা দুটির এ রায় দেন। রায়ে বলা হয়, আসামিদের বিরুদ্ধে তাঁকে হত্যার ষড়যন্ত্র, প্রোচনা ও অপরাধমূলক কাজে সহযোগিতার অপরাধ সন্দেহাতীতভাবে প্রমাণিত হয়েছে। রায়ের পর ১১ আসামির মধ্যে আটজনকে কারাগারে পাঠানো হয়। মামলার অপর তিন আসামি পলাতক রয়েছেন। সূত্র-সমকাল (পৃ.১,ক.১), জনকষ্ঠ (পৃ.১,ক.৩), নিউজ টুডে (পৃ.১,ক.৭), ইভিপেনডেন্ট (পৃ.১,ক.৬)।

৭। রোহিঙ্গাদের অপরাধ ঠেকাতে নজরদারি বাড়ানো হচ্ছে : ত্রাণমন্ত্রী

সেনা নির্যাতনে মিয়ানমার থেকে বাংলাদেশে পালিয়ে আসা রোহিঙ্গার যাতে কোনো অপরাধ কার্যক্রমে জড়িয়ে পড়তে না পারে সেজন্য ক্যাম্পগুলোতে নজরদারি বাড়ানো হচ্ছে। তাই কক্ষবাজারে কুতুপালং আশ্রয়কেন্দ্রে আরও ৫টি পুলিশ ক্যাম্প স্থাপন করার সিদ্ধান্ত নেওয়া হয়েছে বলে জনিয়েছেন দুর্যোগ ও ত্রাণ মন্ত্রী মোফাজ্জল হোসেন চৌধুরী মায়া। গতকাল (২৯ অক্টোবর রোববার) দুর্যোগ ব্যবস্থাপনা ও ত্রাণ মন্ত্রণালয়ের সভাকক্ষে রোহিঙ্গা বিষয়ক এক আন্তঃমন্ত্রণালয় সভাশেষে এ সিদ্ধান্তের কথা জানান তিনি। সূত্র-সংবাদ (পৃ.১,ক.৩), ভোরের কাগজ (পৃ.১,ক.৫), নিউজ টুডে (পৃ.১,ক.৬), নিউ নেশন (শেষ পৃ.,ক.২)।

৮। বাংলাদেশ-কানাডা বিমান যোগাযোগ চালু হচ্ছে

বিমান যোগাযোগের ক্ষেত্রে বাংলাদেশে নতুন দিগন্ত প্রস্তাবিত হতে যাচ্ছে। এয়ার কানাডা ঢাকার সঙ্গে দিল্লি পর্যন্ত ফ্লাইট চালু করতে যাচ্ছে। এ ফ্লাইটের যাত্রীরা দিল্লি থেকে সরাসরি কানাডার টরেন্টো অবতরণ করবেন। টরেন্টো থেকে প্রতিদিন অনেক ফ্লাইট নিউইয়র্কের উদ্দেশে ছেড়ে যায়, ঢাকা-নিউইয়র্ক ফ্লাইট চালু না হওয়া পর্যন্ত বাংলাদেশের যাত্রীরা এই রুটে নিউইয়র্ক পর্যন্ত যেতে পারবেন। এজন্য কানাডার সঙ্গে প্রয়োজনীয় এয়ার সার্ভিস এক্সিমেন্ট সম্পাদন করা হয়েছে। গত ২৬ অক্টোবর বৃহস্পতিবার সচিবালয়ে বেসামরিক বিমান পরিবহণ ও পর্যটনমন্ত্রী রাশেদ খান মেননের সঙ্গে ঢাকাত্ত কানাডিয়ান হাইকমিশনার বেনওয়া প্রেফেন্টেনের বৈঠকে এ ব্যাপারে সিদ্ধান্ত হয়। সূত্র-যুগান্ত (পৃ.১৭,ক.৩), এশিয়ান এজ (পৃ.১,ক.৮)।

৯। রোহিঙ্গা ইস্যুতে ঢাকার পাশে থাকবে বেইজিং : চীনা রাষ্ট্রদূত

রোহিঙ্গা সমস্যার সমাধানে বাংলাদেশের পাশে থাকার প্রতিশ্রুতি দিয়েছেন ঢাকায় নিযুক্ত চীনা রাষ্ট্রদূত মা মিং কিয়াং। তিনি বলেছেন, আলোচনার মাধ্যমে শান্তিপূর্ণ উপায়ে রোহিঙ্গা সমস্যার সমাধান সম্ভব। চীনের অনুদানে অগ্নিবাহিনী উপকরণ হস্তান্তর অনুষ্ঠানে তিনি এসব কথা বলেন। শেরেবাংলানগরস্থ ইআরডি সম্মেলন কেন্দ্রে চীনের পক্ষে দেশটির রাষ্ট্রদূত যন্ত্রপাতি হস্তান্তরে সার্টিফিকেট সই করেন। বাংলাদেশের পক্ষে সার্টিফিকেটে সই করেন অর্থনৈতিক সম্পর্ক বিভাগের (ইআরডি) সচিব কাজী শফিকুল আয়ম। অনুষ্ঠানে সিংগেল পয়েন্ট মুরিং টার্মিনাল স্থাপন প্রকল্পে অর্থায়নের বিষয়ে কাঠামো চুক্তি সই করা হয়। সূত্র-ইতেফাক (শেষ পৃ.,ক.২), ইনকিলাব (পৃ.১,ক.৫), নিউজ টুডে (পৃ.১,ক.১), ইভিপেনডেন্ট (পৃ.১,ক.১)।

১০। আইপিইউ সম্মেলনে রোহিঙ্গা সংকট নিয়ে বাংলাদেশের প্রস্তাব পাস

রাশিয়ার সেন্টপিটার্সবার্গে সম্প্রতি অনুষ্ঠিত ইন্টার পার্লামেন্টারি ইউনিয়ন-আইপিইউ'র ১৩৭তম সম্মেলনে রোহিঙ্গা ইস্যুটি ইমার্জেন্সি আইটেম হিসেবে গৃহীত হয়েছে। সম্মেলনে রোহিঙ্গা ইস্যু নিয়ে আলোচনা এবং এর সমাধানে পদক্ষেপ নেওয়ার জন্য বাংলাদেশের পক্ষ থেকে প্রস্তাব করা হলে সেটি সর্বসম্মতিক্রমে গৃহীত হয়। বাংলাদেশের এ প্রস্তাবের পক্ষে ভোট পড়েছিল ১০২৭, এর বিপরীতে মিয়ানমারের আনা প্রস্তাবের পক্ষে ভোট পড়ে মাত্র ৪৭টি। গতকাল (২৯ অক্টোবর রোববার) পার্লামেন্ট মেম্বারস ক্লাবে '১৩৭তম আইপিইউ এসেম্বলি, সেন্টপিটার্সবার্গ, রাশিয়া : বাংলাদেশের অর্জন' শীর্ষক মতবিনিময় সভায় বাংলাদেশ প্রতিনিধিদলের প্রধান ও ডেপুটি স্পিকার ফজলে রাবী মিয়া এ তথ্য জানান। সূত্র-ইন্ফোক (পৃ.১৯,ক.৬), জনকর্ত (শেষ পৃ.,ক.৬), নিউ নেশন (পৃ.৩,ক.৫), ইন্ডিপেনডেন্ট (পৃ.১৯,ক.২)।

১১। বাংলাদেশ জাইকা এলামনাই অ্যাসোসিয়েশন ফোরামের নির্বাহি কমিটি'র প্রেসিডেন্ট নির্বাচিত

সার্কুলু দেশসমূহের জাইকা এলামনাই অ্যাসোসিয়েশন ফোরামের নির্বাহি কমিটি'র প্রেসিডেন্ট নির্বাচিত হয়েছে বাংলাদেশ। গতকাল (২৯ অক্টোবর রোববার) জনপ্রশাসন মন্ত্রণালয়ের এক সংবাদ বিজ্ঞপ্তিতে এ তথ্য জানানো হয়। এতে উল্লেখ করা হয়, গত ২৮ অক্টোবর ঢাকায় ফোরামের এক সভায় আগামী দুই বছরের জন্য নতুন নির্বাহি কমিটি গঠন করা হয়। সভায় কমিটির প্রেসিডেন্ট নির্বাচিত হয়েছেন জাইকা এলামনাই অ্যাসোসিয়েশন অফ বাংলাদেশের প্রেসিডেন্ট ও জনপ্রশাসন মন্ত্রণালয়ের সিনিয়র সচিব ড. মোজাম্বেল হক খান। সূত্র-সংবাদ (পৃ.২,ক.৫), যুগান্তর (পৃ.১৮,ক.৮)।

সম্পাদকীয়

- ক. ইন্ফোক : খাগড়াছড়ির দীঘিনালায় বেইলি ব্রিজের ওপর অতিরিক্ত কাঠ বোঝাই ট্রাক চলাচলের কারণে সেতুর পাটাতন ভেঙে মাইনী নদীতে পড়ে যাওয়ার কথা উল্লেখ করে মহাসড়ক ও সেতু রক্ষায় ওজন ক্ষেলের নীতিমালা কঠোরভাবে বাস্তবায়নের ওপর গুরুত্বারোপ।
- খ. সংবাদ, সমকাল, যায়বায়দিন : নরসিংদীর শিবপুর থানার খৈনপুর গ্রামে মোবাইল চুরির অপবাদ দিয়ে ১৫ বছরের এক কিশোরীকে আগুনে পুড়িয়ে মারার খবরে উদ্বেগ প্রকাশ করে এ ঘটনার জন্য দায়ী ব্যক্তিকে সর্বোচ্চ শাস্তি দেওয়ার দাবি।
- গ. জনকর্ত : দেশে নারী ও শিশুদের সুরক্ষার জন্য ইমার্জেন্সি হেল্পলাইন নামের '১০৯' অবদান রাখছে উল্লেখ করে সেসাথে নারীর নিরাপত্তার ব্যাপারে আরও সচেতন হওয়ার সুপারিশ।
- ঘ. প্রথম আলো : গত সাত বছরে বিদেশে কর্মরত অবস্থায় মারা যাওয়া বাংলাদেশি শ্রমিকদের ৭৫ শতাংশের পরিবারের নিয়োগকারী প্রতিষ্ঠানের কাছ থেকে কোনো ক্ষতিপূরণ না পাওয়াকে দুঃখজনক উল্লেখ করে এ ব্যাপারে সংশ্লিষ্ট কর্তৃপক্ষকে যথাযথ উদ্যোগ নেওয়ার সুপারিশ।
- ঙ. সমকাল : নৌপথের নাব্যতা রক্ষা করতে নদ-নদীগুলো নিয়মিত ড্রেজিং এর ওপর গুরুত্বারোপ।
- চ. নিউজ টুডে, নিউ নেশন : ঢাকার রাস্তার ধুলা-বালি বায়ু দৃঘন্টের অন্যতম কারণ উল্লেখ করে এ ব্যাপারে যথাযথ পদক্ষেপ নেওয়ার সুপারিশ।
- ছ. ডেইলি সান : নতুন বছরের শুরুতে সঠিক সময়ে প্রাথমিক ও মাধ্যমিকের শিক্ষার্থীরা পাঠ্যবই হাতে পাবে বলে প্রত্যাশা ব্যক্ত করে সম্পাদকীয় প্রকাশ।

উপসম্পাদকীয়

সমকাল পত্রিকায় প্রকাশিত কলামে উল্লেখ করা হয়েছে, প্রাথমিক শিক্ষার মান উন্নয়নে নজর দিতে হবে।

নিবন্ধ ও ফিচার

ইত্তেফাক পত্রিকায় প্রকাশিত ‘কাঠের বিকল্প খোজার সময় এসেছে’ শিরোনামের নিবন্ধে অভিমত প্রকাশ করা হয়েছে, আমাদের নিজেদের অঙ্গত্ব রক্ষার জন্য বৃক্ষরোপণ ও বৃক্ষফলনের উন্নয়ন জরুরি।

#

ডালিয়া/ফাহিমা/মরজিনা/সাইদা/তানিয়া/২০১৭/৯.০০ঘণ্টা